

## ÁKVÖRÐUN FRAMKVÆMDASTJÓRNARINNAR

frá 9. júlí 1997

### um sameiginlega tækniforskrift að almennum tengikröfum vegna endabúnaðar fyrir aukin stafræn þráðlaus fjarskipti (DECT) (2. útgáfa)(\*)

(97/523/EB)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 91/263/EBE frá 29. apríl 1991 um samhæfingu laga aðildarríkjanna um notendabúnað til fjarskipta ásamt gagnkvæmri viðurkenningu á samræmi <sup>(1)</sup>, eins og henni var breytt með tilskipun 93/68/EBE <sup>(2)</sup>, einkum öðrum undirlið 2. mgr. 6. gr.,

og að teknu tilliti til eftirfarandi:

Framkvæmdastjórnin hefur samþykkt ákvæði um það fyrir hvaða gerð endabúnaðar sameiginleg tækniforskrift skuli gilda, svo og tilheyrandi yfirlýsingu um gildissvið.

Samþykjka ber samsvarandi samhæfða staðla, eða hluta þeirra, til framkvæmdar grunnkröfunum sem breyta á í sameiginlegar tækniforskriftir.

Til að tryggja órofinn aðgang að mörkuðum fyrir framleiðendur er nauðsynlegt að setja bráðabirgðaákvæði um búnað sem er viðurkenndur samkvæmt ákvörðun framkvæmdastjórnarinnar 94/471/EB <sup>(3)</sup>.

Fella ber ákvörðun 94/471/EB úr gildi að aðlögunartímabilinu loknu.

Sameiginlega tækniforskriftin, sem kveðið er á um í þessari ákvörðun, er í samræmi við álit samþykkisnefndar endabúnaðar (ACTE).

SAMÞYKKT ÁKVÖRÐUN ÞESSA:

1. gr:

1. Þessi ákvörðun gildir um endabúnað fyrir aukin stafræn þráðlaus fjarskipti (DECT) sem notar tíðnisviðið 1880 til

1900 Mhz og fellur undir gildissvið samhæfða staðalsins sem um getur í 1. mgr. 2. gr.

2. Með þessari ákvörðun er mælt fyrir um sameiginlega tækniforskrift að almennum tengikröfum vegna endabúnaðarins sem um getur í 1. mgr.

2. gr:

1. Sameiginlega tækniforskriftin tekur til samhæfða staðalsins sem hlutaðeigandi staðlastofnun hefur samið til framkvæmdar grunnkröfunum sem um getur í c-, d-, e- og f-lið 4. gr. tilskipunar 91/263/EBE, að því marki sem við á. Tilvísun í staðalinn er tilgreind í viðaukanum.

2. Endabúnaður, sem fellur undir gildissvið þessarar ákvörðunar, skal vera í samræmi við sameiginlegu tækniforskriftina sem um getur í 1. mgr., uppfylla grunnkröfurnar sem um getur í a- og b-lið 4. gr. tilskipunar 91/263/EBE og uppfylla kröfur allra annarra gildandi tilskipana, einkum tilskipana ráðsins 73/23/EBE <sup>(4)</sup> og 89/336/EBE <sup>(5)</sup>.

3. gr:

Tilkynntir aðilar, sem eru tilnefndir til að koma í framkvæmd málsmeðferðinni sem um getur í 9. gr. tilskipunar 91/263/EBE, skulu, að því er varðar endabúnað sem 1. mgr. 1. gr. þessarar ákvörðunar gildir um, beita samhæfða staðlinum sem um getur í 1. mgr. 2. gr. eigi síðar en sex mánuðum eftir að tilkynnt er um þessa ákvörðun, eða sjá til þess að honum sé beitt.

4. gr:

1. Fella ber ákvörðun 94/471/EB úr gildi sex mánuðum eftir að tilkynnt er um þessa ákvörðun.

2. Halda má áfram að setja á markað og taka í notkun endabúnað sem er viðurkenndur samkvæmt ákvörðun 94/471/EB, að því tilskildu að slík viðurkenning sé eigi veitt síðar en sex mánuðum eftir að tilkynnt er um þessa ákvörðun.

(\*) Þessi EB-gerð, sem birtist í Stjtið. EB L 215, 7.8.1997, bls. 48, var nefnd í ákvörðun sameiginlegu EES-nefndarinnar nr. 116/98 frá 18. desember 1998 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

<sup>(1)</sup> Stjtið. EB nr. L 128, 23. 5. 1991, bls. 1.

<sup>(2)</sup> Stjtið. EB nr. L 220, 31. 8. 1993, bls. 1.

<sup>(3)</sup> Stjtið. EB nr. L 194, 29. 7. 1994, bls. 89.

<sup>(4)</sup> Stjtið. EB nr. L 77, 26. 3. 1973, bls. 29.

<sup>(5)</sup> Stjtið. EB nr. L 139, 23. 5. 1989, bls. 19.

5. gr.

Ákvörðun þessari er beint til aðildarríkjanna.

Gjört í Brussel 9. júlí 1997.

*Fyrir hönd framkvæmdastjórnarinnar,*

Martin BANGEMANN

*framkvæmdastjóri.*

---

*VIÐAUKI*

#### **Tilvísun í gildandi samhæfðan staðal**

Samhæfði staðallinn, sem vísað er til í 2. gr. ákvörðunarinnar, er:

Búnaður og kerfi fyrir þráðlaus fjarskipti (RES); aukin stafræn þráðlaus fjarskipti (DECT);  
almennar tengikröfur vegna endabúnaðar

ETSI

Fjarskiptastaðlastofnun Evrópu

Aðalskrifstofa ETSI

TBR 6, 2. útgáfa - janúar 1997

(að undanskildum formála)

#### **Viðbótarupplýsingar**

Fjarskiptastaðlastofnun Evrópu er viðurkennd samkvæmt tilskipun ráðsins 83/189/EBE<sup>(1)</sup>.

Samhæfði staðallinn, sem vísað er til hér að framan, er saminn samkvæmt umboði sem gefið er út í samræmi við viðeigandi málsmeðferðarreglur tilskipunar 83/189/EBE.

Unnt er að fá orðréttan texta framangreinds samhæfðs staðals með því að snúa sér til:

Fjarskiptastaðlastofnun Evrópu  
650, route des Lucioles  
F-06921 Sophia Antipolis Cedex.

Framkvæmdastjórn Evrópubandalaganna  
DG XIII/A/2 - (BU 31 1/7)  
Rue de la Loi 200/Wetstraat 200  
B-1049 Bruxelles/Brussel

---

<sup>(1)</sup> Stjórnartíð. EB nr. L 109, 26. 4. 1983, bls. 8.